



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

XXXVIII. Churfürst Joachim I. verspricht dem Probste und Capitel zu Havelberg, daß die Annahme des Dr. Blankenfeld zum Coadjutor in der Probstei jenen unnachtheilig bleiben solle, im Jahre 1509.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

tung haben wir die hirnach geschribene Johannes von gottes gnaden Bischoff zw havelberg vnd Brudter Georg von Slaberdorff, sanct Johannes Orden in der marck, Sachsen vnd pomern etc. Meyster, Vorwester zu kroffen vnd Zcullich, hanns Berkaw Bürgermeyster, pawel vnd wybke Blanckenfelde Bürger zw Berlin, Solchs von wegen vnd vor obgenanten Doctor verburt, gelobt vnd zwgefagt, verburgen, geloben vnd zwfagen hiemitt, wu der Doctor, das doch keyns wegcs geschehen sol, widder obgedachte seine Verschreybung handeln vnd thun wurde, das wir dem herren probste vnd Capittel der halben entfangenes schadens erstatten vnd den gelden wollen, haben derhalben diesen Briff vnd solchs alls steit vnd feste zwhalten, mit vnfern hier vnden angehangenden Ingefegle besigelt, Der gegeben ist zw Berlin, Midwochens nach Natiuitatis Mariä Anno Im XV^o IX. Jar.

Nach einer fideimirten Copie des K. Geh. Staats-Archives R. 58, n. 9.

XXXVIII. Churfürst Joachim I. verspricht dem Probste und Capitel zu Havelberg, daß die Annahme des Dr. Blanckenfeld zum Coadjutor in der Probstei jenen unnachtheilig bleiben solle, im Jahre 1509.

Wir Joachim, von Gotts Gnaden Marggraff zw Brandenburgk, des heiligen Römischen Reichs Erzcamerer vnd Churfürst, zw Stettin, pomern, der Cassuben vnd wenden Herzogk, Burggraff zu Norenberg vnd Fürst zw Rugen, Bekennen vnd thuen kunt öffentlich mit diesen vnfern Briff vor vns, vnser erben vnd nachkomen, Marggraffen zw Brandenburgk, vnd sonst Jedermenniglich, Das Nachdem vnd weyle der würdig vnd aufrichtige vnser Lieber getrewer Er Kerstian Wultzke, thumprobst zw havelberg, vff vnser vorbit auch vns zw Befonderen gefallen den würdigen vnd hochgelarten vnfern Rath vnd Lieben getrewen herrn Johansen Blanckenfeld Doctor etc. zw einem Coadjutor der probsteyn zu havelberg zwgelassen, aufgenommen vnd erwelt, das wir gemelten herrn Kerstian Wultzke zwgefagt, das genanter Doctor Blanckenfeldt berürter Coadjutorie wegen Im kein Verhinderung, abzug oder infal In gedachter probsteyn dye Zeit seines Lebends am tiel, eren, nutz oder standt thun sol, vnd Im fal, wie sich dis der Doctor vnderstehen würde, den Probst dar In zw schützen vnd zw hanthaben. Dieweyl auch in der Transmutation der probsteyn zw havelberg was dye ahn herlichen einkamen, Nutzungen vnd gerechtigkeiten haben vnd heben soll ausgesetzt, Soll sich der Doctor an dem vnwiderspruchlich gnügen lassen, derhalben auch das Capittel nicht vnruhen oder anfechten, Dar ahn vnd ob wir auch mit schutz vnd hanthabung sein wollen vnd sollen. Das alls wie obstehet Sagen wyr zw In crafft vnd macht dies Briffs. Zw vrkunde mit vnfern Churfürstlichen anhangenden Infigel verfigelt vnd Gegeben zw Butzaw am Tage Natiuitatis marie Im XV^o vnd IX. Jare.

Nach einer fideimirten Copie des K. Geh. Staats-Archives R. 58, n. 0.

XXXIX. Das Capitel zu Havelberg verkauft dem Caspar Duchholz, Bürger zu Stendal, eine jährliche Rente von 5 für 100 Goldgulden, im Jahre 1517.

Wy Christianus Wulzke Pronest, Petrus Ruloffes Deken vnd Capittel tho Havelberge, bekennen openbar betugende in vnd mit diesem breue, dat wy vorkofft hebben vnd in crafft